

四庫全書

史部

欽定四庫全書

皇朝文獻通考卷一百十二

宗廟考

六

太廟

時享

臣等謹按馬端臨宗廟考立祭祀時享門其下旁
注薦新二字所謂祭祀者遞詳列代廟禮之名義
制度儀器而時享與薦新亦即隨文以錯見至唐

及宋始臚親饗之數且時享薦新分錄其儀注此
固皆廟之正祭也而因事祇告者則上附於郊社
考之告祭門茲恭校

本朝典策仰見我

列聖垂模

皇上敬勤紹緒每歲時享必親舉行而禮制之隆隨時
酌定廣大精微條理具備至矣哉

太廟之禮貽則於萬年億年者矣謹依甲子詳為編次考

古未有若斯之盛者焉考具在可覆覈也若夫薦
新則順治十四年後恭行於

奉先殿一切定禮自歸

奉先殿儀備列焉

順治元年九月庚戌定

宗廟樂章六奏用平字從大學士馮銓謝陞洪承疇等之

議也

詳見
樂考

二年正月辛卯定

萬壽節祭

太廟儀禮部言故明舊例凡遇萬壽節親詣奉先殿上香
行禮又遣官祭陵上香燭供酒果不讀祝得

旨祭

太廟如

奉先殿禮儀讀祝致祭

福陵

昭陵

四祖廟止上香燭供酒果不必讀祝

京師建立

太廟始以

盛京

太廟崇稱為

四祖廟尋以二月丁巳禮部言凡遇清明等節應令駐防

盛京總管分率城守章京往祭

福陵

昭陵東京興京

祖陵令城守官奠祭

盛京

四祖廟令守廟總管官獻酒果從之蓋追尊

四祖考皇帝

四祖妣皇后奉安

神主於

京師

太廟實以五年十一月戊辰冬至而是年七月庚戌朔十

二月戊申歲暮三年七月乙巳朔皆遣官詣

盛京祭

四祖廟云

癸丑以

萬壽節遣官祭

太廟

臣等謹按自是年定

萬壽節祭

太廟儀卽以是月遣官祭嗣於三年正月丁丑至十七年

正月乙酉每歲以

萬壽節祭

太廟皆遣官

閏六月癸巳定秋祭

太廟

盛京

四祖廟以七月朔用牛羊禮部言

本朝舊例秋祭

太廟於七月十五日用牛羊是日

福陵獻酒果香燭故明例於七月朔祭太廟用牛羊是日

各陵不獻酒果香燭以七月十五日祭陵用牛羊
是日太廟不獻酒果香燭得

旨

太廟

盛京

四祖廟俱照故明例以七月朔用牛羊致祭是日

陵上不必獻酒果香燭中元節仍用牛羊祭

陵是日

太廟

盛京

四祖廟不必獻酒果香燭

丙午增設滿讀祝官禮部言請

壇

廟讀祝停讀漢文止讀滿文仍增設滿讀祝官八員一切

典禮俱照

本朝舊制行從之

十月己亥定

親祭儀禮部言

圜丘

方澤

社稷三壇如邇

親祭應照故明例增用牛一仍進胙肉福酒其迎神送神令鳴贊官贊唱遣官代祭則止如祭

太廟雖

親祭亦不增用牛不獻福胙不贊迎神送神以太廟神位前供獻牛肉頒賜諸王貝勒從之

三年正月癸卯定

盛京

祖廟牲凡歲除清明及慶賀祭如

京師例牲用生

四年三月丁卯定薦熟牛停止進胙肉內院禮部
會同議奏我

朝享

太廟例主祭官舉帛舉爵捧獻官陳設仍以胙牛一進

上今祭

太廟應薦熟牛在廟門奏樂至於進

上胙肉應停止其帛爵仍照例令捧獻官陳設至祭

興京

五祖神主亦應如

太廟儀從之

八年二月癸未定

親祭

太廟進胙肉福酒如祀

園丘儀

三月己丑定樂舞從禮部之請也

詳見樂考

癸卯定齋戒規凡祀

太廟齋戒三日

上親詣或遣官恭代俱於

太和殿設齋戒牌銅人各衙門亦設齋戒牌不理刑
名若有緊急事務仍辦理

大內及宗室并齋戒官家不祀神如

上躬饗

太廟和碩親王以下陪祀官以上俱於家齋戒如遣官恭

代則

上齋戒和碩親王以下輔國公以上不必齋戒陪祀官齋

戒如前

六月乙丑定

太廟祀典歲暮祭大建於二十九日小建於二十八日其

清明祭各官不必陪祀祭肉用生

十三年三月乙酉定齋戒規禮部言前此清明節

享

太廟惟主祭大臣併執事官各齋戒三日致祭近查明朝
清明節祀典並不齋戒嗣後應令主祭官分獻官
禮部太常寺執事官先期齋戒一日著為令從之
六月甲辰定祭

太廟日

駕於黎明出宮

十四年十一月乙巳

命禮部修樂器

詳見樂考

臣等謹按順治初年

太廟祭祀之禮歲以正月孟春與

萬壽節二三月清明節四月朔七月朔十月朔十二月歲

暮凡七自十六年七月定舉行祫祭其年十二月

甲寅以歲暮祫祭遣官祗告越日乙卯

世祖章皇帝親詣行禮實為

太廟祫祭之始是十六年以前凡十二月歲暮之祭皆時

享也茲謹彙時享

親詣之年月日紀於編

世祖章皇帝在位十八年時享

太廟

親詣行禮二十八

順治二年七月庚戌朔

三年七月乙巳朔

四年十二月丙寅歲暮

五年三月丁未清明節

七年七月壬子朔

八年十月乙巳朔

九年七月庚午朔

九年十月己亥朔

九年十二月丙寅歲暮

十年正月甲戌孟春

十年七月甲午朔

十年十月癸亥朔

十年十二月庚寅歲暮

十一年正月丁酉孟春

十一年七月戊子朔

十一年十月丁巳朔

十二年十月辛亥朔

十三年七月丁未朔

十三年十月乙亥朔

十三年十二月壬寅歲暮

十四年正月庚戌孟春

十四年四月癸酉朔

十四年七月壬寅朔

十四年十月庚午朔

十五年正月丙午孟春

十六年正月丁酉孟春

十六年七月庚申朔

十七年正月甲子孟春

康熙十一年正月乙丑

飭太常寺習禮樂

詳見樂考

十二年九月丙申定祭時與齋戒處先是八月丁

巳

諭禮部

壇

廟祭祀國家大典必儀文詳備允符禮制乃可肅將誠敬
昭格神明其致祭時辰齋戒處所稽諸往代各有定制
爾部詳察典禮酌議妥確以聞至是議覆考

太宗文皇帝時祭

廟用黎明再考歷代致齋俱於別殿今請

皇上於別殿齋戒從之

互見郊社考

十二月甲寅定執事官及樂舞生先是庚子

諭禮部太常寺

壇

廟裡祀理宜嚴肅今觀祭祀執事之人過多殊為煩雜應酌量裁減務令肅清至是議覆祭

廟執事之人及樂舞生今已遵

旨酌量裁減再考會典祭時祇有監察御史侍立之例其禮部漢堂官應按班行禮停其侍立得

旨是

十八年五月以改營

奉先殿恭奉

列祖

列后神牌暫安

太廟遣官祇告

太廟

二十年正月辛巳

飭糾陪祭官

諭都察院祭祀以奉上下神祇理宜敬慎近見陪祭各官
跡涉慢易班行不整笑語自如殊失執事有恪之道爾
衙門職在察核未見指名叅奏所司何事其嚴飭之

二月甲午以

奉先殿工竣遣官祇告

太廟乙未恭奉

列祖

列后神牌還御

金史卷一百一十二
二十一年六月定樂章

詳見樂考

二十四年正月癸酉

命司祝高讀

御名是日孟春

聖祖仁皇帝親享

太廟禮畢

顧內閣學士席爾達太常寺卿葛思泰曰往見贊禮郎宣讀祝版至朕名聲輒不揚父前子名前經所載朕對越

之次惟懼誠敬稍有未至無以昭格神靈為子孫者通
名於祖父豈可涉於慢易嗣後俱應高聲朗讀無庸顧
忌

辛巳定執事官奉福胙趨走儀更贊次獻為亞獻
是日

聖祖仁皇帝

祈穀於

上帝禮畢

顧內閣學士席爾達太常寺卿葛思泰曰前見

太廟致祭時執事官奉福胙由兩神位間趨走於尊

祖敬

宗之意未協爾等曾稽舊例否席爾達等奏太常寺紀書

禮部會典俱未載

上曰對越

祖宗典禮甚鉅惟嚴肅不懈始可薦馨在廟奔走之人亦
當誠敬將事共襄大禮不應稍有褻慢且亞獻禮俱唱

為次獻亦與漢文不符爾等會同內閣禮部察例奏聞
尋太常寺等衙門議覆執事各官應從外旁趨走
唱次獻應改為亞獻得

旨是

二十五年十二月癸亥定陪祭官並

飭嚴糾儀先是十一月丙申

諭禮部朕敬

天奉

祖郊祀廟饗必精白厥心竭誠致慎庶幾有孚昭格用洽
明禋朕於祭祀

壇

廟每躬詣行禮未嘗不齋明被濯實圖感通凡從事於祀
典者皆宜表裏精誠虔盡職掌近見執事陪祭各官間
有因循怠忽視為具文不能盡志致慙共效昭事之忱
殊為非禮嗣後務俾各秉誠心克恭祀事凡行禮儀節
始終整肅毋得慢易用副朕敬

天奉

祖至意作何再加通飭永可遵行著九卿詹事科道會同詳加確議具奏至是議覆其陪祭

太廟官員俱不照加級武官公以下叅領阿達哈哈番以上文官尚書以下郎中以上滿科道漢六科掌印給事中武官叅將遊擊以上令其陪祭有高聲喧語失儀者監察御史禮部官員即指名題叅如

壇例行

上曰這所議妥當著如議凡祭祀時特遣御史監禮糾劾
今觀御史不過左右顧盼聊以充數未嘗糾叅一人且
非特諸臣而已即朕設有不敬處亦當舉奏也

三十八年十二月壬午定元旦

聖節恭祭

四祖即於

太廟後殿照

奉先殿典禮遣官致祭

詳見
奉先殿門

五十三年正月己未

命重修樂器和碩誠親王允祉等董其事

六十年三月

聖祖仁皇帝萬壽聖節

命

皇四子和碩雍親王

憲皇帝廟諱祭

世宗

太廟後殿先是戊辰太常寺奏

萬壽節請遣官祭

太廟後殿得

旨

天

地

太廟

社稷俱係大祭理宜敬謹必將知進退之節威儀可觀
之大臣遣往行禮方善著大學士等會同禮部將諸皇
子及王以下大臣等另行開列具奏庚午大學士等謹

將已封諸皇子另開一摺諸王貝勒公內大臣都
統等又開一摺具奏

上硃筆圈出交太常寺遇祭祀時請旨尋太常寺以
萬壽節遣官祭

太廟後殿請

上命

皇四子和碩雍親王

世宗
憲皇帝廟諱

行禮

聖祖仁皇帝在位六十一年時享

太廟

親詣行禮八十二

康熙元年正月乙酉

三年十月己未朔

四年十月癸丑朔

五年四月辛亥朔

六年正月乙酉

六年十月壬申朔

七年正月丁未

七年四月己巳

七年七月戊戌朔

七年十月丙寅朔

八年正月癸卯

八年七月壬辰朔

八年十月辛酉朔

九年正月丁酉

九年四月丁亥朔

九年七月乙卯朔

九年十月乙酉朔

十年正月戊午

十年四月壬午朔

十年七月庚戌朔

十一年正月乙卯

十一年七月甲辰朔

十二年正月丁丑

十二年四月庚子朔

十二年七月戊辰朔

十二年十月丁酉朔

十三年正月癸酉

十三年四月乙未朔

十四年正月乙丑

十四年四月己丑朔

十四年七月丁亥朔

十四年十月乙卯朔

十五年正月己丑

十五年四月癸丑朔

十五年七月辛巳朔

十五年十月庚戌朔

十六年四月丁未朔

十六年七月丙子朔

十七年正月庚辰

十七年七月己亥朔

十七年十月戊辰朔

十八年正月丙午

十八年四月乙丑朔

十八年十月壬戌朔

十九年正月乙未	十九年四月庚申朔	十九年七月戊子朔	十九年十月丙戌朔	二十年正月己未	二十年十月庚辰朔	二十一年正月丙辰	二十一年七月丙午朔	二十二年四月甲戌朔	二十二年四月癸酉朔	二十三年四月丙申朔	二十四年正月癸酉	二十四年四月庚寅朔	二十四年十月戊子朔	二十五年正月乙丑	二十五年四月乙酉朔
---------	----------	----------	----------	---------	----------	----------	-----------	-----------	-----------	-----------	----------	-----------	-----------	----------	-----------

二十五年十月壬子朔	二十六年四月戊申朔	二十六年十月丙午朔	二十七年十月庚子朔	二十八年四月丁卯朔	二十九年四月壬戌朔	三十年正月壬辰朔	三十年十月壬午朔	三十三年四月戊辰朔	三十三年十月乙未朔	三十四年四月壬辰朔	三十七年正月壬午	三十七年四月乙巳朔	三十八年十月乙丑朔	三十九年四月甲子朔	三十九年十月庚申朔
-----------	-----------	-----------	-----------	-----------	-----------	----------	----------	-----------	-----------	-----------	----------	-----------	-----------	-----------	-----------

四十年四月戊午朔

四十年十月甲寅朔

四十三年四月庚午朔

四十三年十月戊辰朔

四十四年十月辛卯朔

四十九年十月壬戌朔

臣等謹按四時之享

聖祖仁皇帝始專以正月孟春諏吉四月朔七月朔十月朔有事於

太廟與十二月歲暮大禘而五此則迄今所舉行

太廟之正祭

垂則於萬年者矣其每歲遇

慶辰令節諸禮皆於

奉先殿行

雍正元年正月

飭嚴糾儀是月己丑

命

廟祭派王二人散秩大臣御史各二員部屬侍衛各四員
稽失儀及扈從人等任意行走著為例

八年正月

命孟春時享展期是月初三日壬申

世宗憲皇帝諭初五日時享

太廟但朕頰旁偶長小熱顆二三日即可平復展期初十

日至期

上親詣行禮

十年正月癸亥享

太廟

上命

皇四子

上御名

行禮

二月辛丑

命齋戒日陪祀官懸齋戒牌時奉

諭國家典禮首重祭祀每當齋戒日期必檢束身心竭誠
致敬不稍放逸始可以嚴昭事而格神明朕遇齋戒之
日至誠至敬不但殿廷供設銅人即坐卧之次亦書齋
戒牌存心警惕須臾弗忘至内外大小官員雖設齋戒

牌於官署但恐言動起居之際稍有褻慢即非致齋嚴肅之義查明代祀典凡陪祀及執事之人有懸祀牌之例今酌定齋牌之式令陪祀人員佩著心胸之間使觸目警心恪恭罔懈并得彼此觀瞻益加省惕其於明禋大典愈明虔潔著傳諭各部院及八旗并直省文武官員一體遵行

十一年三月

命增定上香儀是月壬寅

諭享祀

太廟向無上香之儀朕意應確議增添至奠帛獻爵時恭立拜位無跪獻之儀大學士會同禮部酌古準今敬謹定議尋議覆唐以前典制尚用三代燭蕭之禮至宋代始有上香之儀並於每位前跪三上香其奠帛獻爵亦如之爵以三獻明洪武定制無上香奠帛之儀爵兩獻亦不跪至嘉靖改從宋制

本朝會典因明洪武所定而酌增之有奠帛有三獻

爵而無上香之儀臣等敬謹詳議大祀莫重於

郊壇而孝享莫尊於

配

天至

宗廟之禮宜與

社稷壇同若同於

郊壇則逾於

社稷矣查祭

社稷壇時

皇上親詣

大社

大稷前跪上香則

太廟上香自應一例至奠帛獻爵

太廟

社稷俱不親獻是以

皇上於拜位前恭立所以亞於

郊壇也似應仍照舊儀請嗣後享

太廟於迎

神奏樂時贊引官對引官恭導

皇上詣

太祖高皇帝神位前立司香官奉香盒跪於左贊引官奏

跪

上跪奏上香

上舉炷香上爐內又三上辯香興

太宗

世祖

聖祖神位前亦如之上香畢奏旋位

上旋位立樂止其兩廡分獻官於上香時亦各詣兩廡跪

上香祫祭及

太廟後殿

奉先殿儀亦如之疏入從之

九月甲午定

太廟供奉

神牌暨獻帛爵諸儀時太常奏

奉先殿

神牌供奉居中

太廟

神牌供奉居裏伏思如生如存之義居中以御為得其正

且祀典理應畫一嗣後

太廟請如

奉先殿制供奉居中又

奉先殿

神牌有泥金托座嗣後

太廟應如式製造又

奉先殿請

神牌用內務府官獻帛爵用侍衛

太廟請

神牌獻爵用侍衛獻帛用太常寺官似屬參差嗣後請

神牌應俱用太常寺官獻帛爵俱用侍衛又

奉先殿供籩豆案上加紅油爵版

太廟籩豆供於黃案上嗣後俱請供黃案上得
旨是依議

十二年正月壬午享

太廟

上命

皇四子寶親王

上御名行禮

四月丙午朔享

太廟

上命

皇四子寶親王

上御名行禮

五月定供

列祖忌辰牌是月庚子

諭

列祖忌辰在京則禮部等衙門在外則督撫提鎮及各府

州縣懸牌出示曉諭官弁兵民等一體凜遵齋戒朕思
懸牌出示

列祖廟號直書於上其懸示之地未必悉能潔淨而往來
雜遝坐卧喧嘩均非敬謹恪恭之意嗣後應如何使衆
共知而又不至於褻慢該部悉心定例奏聞尋議恭逢
列祖忌辰嗣後請製龍邊粉油木牌敬謹書寫做齋戒牌
例設案安奉於禮部大門前令司員看護其九門
各設於潔淨寺院提督令員看護次日將牌繳禮

部敬謹收貯其直省大小文武衙門照在京例書
牌安設從之

十月甲子

飭禁止擅入

太廟時奉

諭

壇

廟俱當潔淨嚴肅

太廟

社稷更宜恭敬故派太監專掃除之事又派旗員輪班看守若非祭日一應官員不許擅入原係定例近聞住宿之太監將伊等親友縱令出入看守之旗員亦將朋友入廊院乘涼此皆平日懈弛所致也禮部太常寺嚴查禁止如違拏究割草之人令太常寺酌將老實人選數名敬謹除治並交與內務府御史等不時詳查如容留閒散無用之人推故入者即指參嚴罪如仍前懈弛

經朕聞知定將禮部太常寺堂官及御史等交部議處

十三年四月辛丑朔享

太廟

上命

皇四子寶親王

上御名行禮

世宗憲皇帝在位十三年時享

太廟

親詣行禮三十

雍正元年正月丙戌
元年十月丁未朔

二年四月甲辰朔

二年七月壬寅朔

二年十月辛未朔

三年正月丁未

三年四月戊辰朔

三年七月丙申朔

三年十月乙丑朔

四年正月丙午

四年四月癸亥朔

四年十月己未朔

五年正月丁酉

五年四月丁亥朔

五年十月癸未朔

六年正月癸亥

六年四月辛巳朔

六年十月戊寅朔

七年正月乙卯

七年四月乙亥朔

七年十月壬寅朔

八年正月己卯

八年四月己亥朔

九年正月甲戌

十年十月乙卯朔

十一年正月丁亥

十一年四月壬子朔

十一年十月己酉朔

十二年十月癸卯朔

十三年正月乙亥

皇朝文獻通考卷一百十二

欽定四庫全書

史部

皇朝文獻通考卷一百三十五

府丞_臣龔驂文履勘

總校官中書_臣孫溶

欽定四庫全書

皇朝文獻通考卷一百十三

宗廟考七

太廟

時享

雍正十三年九月己亥

皇上登極癸丑定三年內享

太廟儀

皇上親詣或遣官恭代俱用禮服作樂先期齋戒用素服冠綴纓緯

視祝版用禮服時

上定行持服三年之禮

二年七月乙巳以營修

奉先殿恭奉

列祖

列后神牌暫安

太廟遣官祇告

太廟

八月定素服不入

廟之制是月甲子

皇上諭今因修

奉先殿恭請

列祖

列后神牌暫安奉

太廟中殿八月初九日

太宗文皇帝忌辰十一日

太祖高皇帝忌辰此二日朕親詣

太廟中殿行禮著總理事務王大臣會同禮部查明禮儀
具奏和碩莊親王允祿等覆奏向來恭遇

列祖

列后忌辰

皇上親詣

奉先殿俱用素服至時享

太廟及告祭

皇上親詣俱用朝服並無素服入

廟之制再禮部等前奏

奉先殿興工告成之間朔望一切祭祀俱遵康熙十八年

修

奉先殿例彼時遇

列祖

列后忌辰

聖祖仁皇帝未嘗

親詣

太廟中殿今

太祖

太宗忌辰未便於

太廟素服行禮應請停止至八月二十三日

世宗憲皇帝再週之期

皇上親詣

雍和宮行禮則禮制周備

皇上純孝之思已展是

世宗憲皇帝忌辰

太廟行禮亦應停止從之二十一日

上詣

雍和宮供奉

世宗憲皇帝聖容行禮二十三日

上詣

雍和宮

聖容前行禮

十月戊申以

奉先殿工竣恭奉

列祖

列后神牌還御遣官祇告

太廟

五年七月癸巳

勅所司稽載祭器太常寺少卿蔣炳奏寺庫貯祭器俱有印冊惟

太廟

社稷壇祭器未設印冊雖內監經收無憑稽考請

勅下禮部會同太常寺將新舊祭器敬謹造冊用印一

存禮部一存太常寺以重典守得

旨著照所請行

六年十一月丙寅

命審定

太廟樂章字譜

七年七月戊午朔

命樂部大臣總修太常寺樂並釐正樂員

詳見樂考

同日

飭太常寺樂部勤習樂律

詳見樂考

十二年十月

命享

廟派宗人府王公一人監視執事宗室人員是月己未

諭向來祭享

太廟獻爵獻帛例用侍衛及太常寺官朕御極後俱令用
宗室人員蓋因宗支繁衍實惟

祖德所貽

一氣感孚昭格尤為親切且使駿奔走執豆籩有事為榮
亦得服習禮儀陶鎔氣質意蓋有在但演習禮節太
常實所專司宗室既非所屬未必聽其指授嗣後每

逢祭祀之期著派宗人府王公一人前往監視俾進
退優嫺執事有恪以昭誠敬

十三年正月丁亥

命敬造

太廟祭器仿古範銅

十四年五月戊申朔

命禮部尚書侍郎敬典祀事時奉

諭稽古虞書秩宗典朕三禮周宗伯掌邦禮而首以吉

禮事邦國之鬼神示春官典祀職莫重焉乃者

郊壇

宗廟以太常寺專司而禮部堂官不蒞其事非古也治神
人和上下敬服乃職其所有事者何在大學士會同
禮部并會典館總裁官詳議以聞

四十二年正月壬辰以

皇太后升遐重定百日內及二十七月內致祭

太廟服色各儀是日奉

上諭昨據禮部奏

大行皇太后喪儀二十七月之內所有

郊

廟

社稷壇等祭祀援照雍正九年

孝敬憲皇后喪儀素服致祭樂設而不作等因朕以

郊

廟大祀典禮綦重似不應因大喪而稍畧其祀因命軍機

大臣查明具奏茲據查稱會典所載康熙年間

列后之事遇大祀典祭日即穿朝服作樂禮部此奏未將
遠年舊例細查僅引雍正九年乾隆十三年近年之
例所辦原未周到今公同酌議二十七月之內如遇
郊

廟大祀仍作樂穿朝服行禮其餘尋常祭祀均用素服致
祭樂設而不作等語所奏甚是

孝敬憲皇后聖母大事係九月二十九日翼日即遇孟冬

時享

太廟彼時禮官或因為時太近不及詳查會典從權率辦
本不可據以為例至

孝賢皇后喪事係三月十一日至仲秋祭祀已在百日
以外尤不當引雍正年間二十七月以內之例其時
禮部所辦本屬未協朕亦忽畧看過未為核定今既
知其誤自應更正著交禮部即照軍機大臣所議辦
理其從前誤辦之案不必存稿即以此著為令典同

曰又奉

諭旨雍正十三年

皇考龍馭上賓朕欲持服三年羣臣請循以日易月之例
朕皆未允嗣奉

聖母慈諭令朕持服百日因即遵行然百日釋服後仍素
服滿二十七月今遭

聖母大故自應仍遵

懿旨持服百日昨日已明降諭旨矣其素服二十七月亦照

前例惟遇

壇

廟大祀行禮及致齋三日

闕視祝版先期詣

壇并視朝聽政諸事朕從前惟準理而行並未載在令典
此時當詳議及之又如王公大臣官員持服二十七
日而除素服則滿百日用何服色及陪祀齋戒常期
坐班並一切典禮應如何定制亦當酌定章程頃檢

閏雍正十三年王大臣等所定條款頗為該括著將
原摺交軍機大臣會同辦理喪儀王大臣等悉心詳
議具奏嗣軍機大臣等議奏恭擬

皇上隨時御用服色及酌定王公大臣服色分為兩單
進呈恭候

欽定奉

旨依議

一百日內

皇上服縞素百日釋服之外二十七月內均用素服詣
大行皇太后几筵前冠摘纓緯

一百日內遇

天壇

地壇

太廟

社稷壇等祀俱遣官行禮

皇上遇先期齋戒之日用素服冠綴纓緯帶齋戒牌百

日外

皇上親詣行禮齋戒日常服不掛朝珠

閱視祝版先期宿

壇用常服掛朝珠不御龍袍龍褂祭日朝服作樂還

宮時導迎鼓樂設而不作

一閱視

大行皇太后

冊

實用素服冠綴纓緯先期齋戒三日亦用素服冠綴纓緯

帶齋戒牌

一百日內祭

奉先殿

皇上戴有纓冠用青袍青褂百日外用珠頂冠藍色袍

金龍褂

一二十七日內祭

夕月壇

歷代帝王廟

先師孔子廟

先農壇廟俱遣官行禮

一百日內遇祭

天壇

地壇

太廟

社稷等壇遣官恭代所遣之官先期省牲視牲成素服

照常齋戒祭日承祭執事各官咸朝服作樂百
外二十七月內恭遇

皇上親詣行禮齋戒日用常服掛朝珠

閱視祝版及先期省牲視牲俱用補褂不服蟒袍祭日
咸朝服

一百日內祭

奉先殿隨

駕執事各大臣官員俱用青色袍褂戴有纓帽百日外

用補褂朝珠

一奉移

梓宮至

山陵隨從人員在途用青長袍褂帽摘纓緯
禮成後恭奉

神主回京仍用青長袍褂帽綴纓緯

皇上登極以來乾隆元年至五十年時享

太廟

親詣行禮六十六

乾隆元年正月丙午

元年四月乙丑朔

元年七月癸巳朔

元年十月辛酉朔

二年正月乙未

二年四月己未朔

二年七月丁亥朔

二年十月乙酉朔

三年正月戊午

三年四月癸未朔

三年七月辛亥朔

三年十月庚辰朔

四年正月乙卯

五年七月己巳朔

五年十月戊戌朔	六年四月乙未朔	七年十月壬辰朔	七年七月戊午朔	七年十月丙戌朔	九年正月丙戌朔	十年十月己亥朔	十一年正月乙亥朔	十一年四月丙寅朔	十二年四月庚申朔	十二年十月戊午朔	十三年七月癸未朔	十三年十月壬午朔	十四年十月丙子朔	十六年正月癸卯朔	十六年十月甲午朔
---------	---------	---------	---------	---------	---------	---------	----------	----------	----------	----------	----------	----------	----------	----------	----------

十七年十月戊子朔

十八年四月丙戌朔

十九年四月庚辰朔

二十年四月甲辰朔

二十一年十月乙丑朔

二十三年四月丙辰朔

二十三年十月甲寅朔

二十四年十月戊寅朔

二十五年四月乙亥朔

二十六年四月庚午朔

二十七年十月庚寅朔

二十八年十月甲申朔

二十九年四月壬午朔

三十年十月癸卯朔

三十一年四月庚子朔

三十二年十月辛酉朔

三十三	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六
年	年	年	年	年	年	年	年	年	年	年	年	年	年	年
四月	三月	三月	二月	正月	正月	十月	十月	十月	十月	七月	十月	十月	十月	十月
戊午	乙卯	乙酉	丁未	甲辰	戊戌	辛巳	乙亥	己亥	甲子	癸巳	丁巳	辛亥	丙午	庚午
朔	朔	朔	朔	朔	朔	朔	朔	朔	朔	朔	朔	朔	朔	朔

四十七年四月丁卯朔

四十七年十月甲子朔

四十九年十月癸未朔

五十年十月丁丑朔

時享儀歲四時饗

太廟孟春於上旬諏吉夏秋冬於孟月朔先三日禮部尚

書一人詣犧牲所眡牲如儀

右眡牲

是日昧爽太常寺卿率屬恭進齋戒牌銅人於

乾清門均如

郊祀儀

皇帝乃齋於

大內齋宮王公百官各齋於次

右致齋

書祝版

祗割牲

儀均與郊祀同

先期一日昧爽太常寺設黃案一於

中和殿

御座之南太常寺卿率屬祇候贊事殿內司祝由內閣
恭奉

太廟後殿

中殿祝版暫設

太和殿初昕太常寺卿率欽天監博士至

乾清門奏時

皇帝御補服乘輿出宮至

中和殿後降輿

御殿立左楹前西向司祝由

太和殿恭奉祝版以次行導引如儀至

中和殿奉

後殿祝版恭設案左奉

中殿祝版恭設案右三叩興退太常寺卿二人展祝文
贊禮郎布拜褥

皇帝詣案前恭閱行三拜禮畢太常寺官恭送祝版奉
安

太廟神庫內餘如

北郊祀儀

右闕祝版

其曰太常寺卿率屬入

廟潔蠲殿內外藉以稷薦恭設

後殿

列祖

列后神座於

寢室前

肇祖原皇帝正中

原皇后配

興祖直皇帝左

直皇后配

景祖翼皇帝右

翼皇后配

顯祖宣皇帝次左

宣皇后配均南向恭設

中殿

列祖

列后神座於

前殿

太祖高皇帝正中南向

孝慈高皇后配

太宗文皇帝東位西向

孝端文皇后

孝莊文皇后配

世祖章皇帝西位東向

孝惠章皇后

孝康章皇后配

聖祖仁皇帝東次西向

孝誠仁皇后

孝昭仁皇后

孝懿仁皇后

孝恭仁皇后配

世宗憲皇帝西次東向

孝敬憲皇后

孝聖憲皇后配展

前殿兩廡配饗東通達郡王次武功郡王武功郡王妃

次慧哲郡王慧哲郡王妃次宣獻郡王宣獻郡王

妃次禮親王次睿親王次鄭親王次豫親王次肅

親王次克勤郡王次怡賢親王均西向西信勇公
費英東次宏毅公額亦都次武勲王揚古利次果
毅公圖爾格次雄勇公圖賴次忠達公大學士圖
海次超勇襄親王策凌次襄勤伯鄂爾泰次大學
士張廷玉均東向以北為上

右設神位

臣等謹案雍正九年加直義公費英東為信勇公
忠義公圖爾格為果毅公昭勲公圖賴為雄勇公

文襄公圖海為忠達公神牌增書而通禮之文因
之惟武勲王揚吉利亦追加為英誠公則仍書王
爵

將事之夕夜分太常寺卿率屬入

廟然炬明燈具器陳於案各以其序

帝

后皆同案每案牛一羊一豕一簋二盞二籩十有二豆十
有二爐一鐙二每位登一鉶一金七一金箸二南

設三案一少西供祝版一東次西向一西次東向
分奠

帝

后每案香盤一每位奉先制帛一皀尊一玉爵三

後殿

前殿同

前殿東案陳壺一實福酒盤一實胙肉東廡十一案皆
牛一羊一簋二籩二簋十豆十每位鉶一西廡九

案皆羊一豕一釧一簋一盞一盞一盞四豆四又各設
案於東南廡奠尊三每案香盤一位展親制帛
一色爵三西廡奠尊五位報功制帛一色餘同
東廡凡牲陳於俎凡帛實於篚凡尊實酒陳以舟
疏布幕勺具工部司官張黃幄於戟門鑾儀衛官
設洗於幄外樂部率太常協律郎設中和韶樂於
殿外階上分東西懸陳武功文德二舞於樂懸之
次並如

郊祀儀

右陳設

陳設畢太常寺博士引禮部侍郎一人詣

後殿

前殿

神位前省賦牲帛齋盛及籩豆登鉶之實畢並詣東西廡

周眡如儀

右省齋

辨行禮位

前殿門內正中為

皇帝行禮拜位北向殿外階上東西為王以下公以上
拜位階下甬道東西為兩廡分獻官拜位廟廷東
西為百官拜位文官郎中以上武官叅領世爵輕
車都尉以上東西各五班重行異等均北向東位
西上西位東上辨執事位司拜褥鑾儀衛官二人
分立於

皇上拜位左右太常寺司祝一人立祝案西東面太常寺司香三人宗室官司帛三人司爵九人序立東案之東西面太常寺司香二人宗室官司帛二人司爵六人序立西案之西東面均北上光祿寺卿二人立東司香之後西面侍衛二人立西司香之後太常寺贊賜福胙一人立西司爵之次均東面北上侍儀禮部尚書侍郎各一人立東案之南西面都察院左都御史副都御史各一人樂部典樂

一人立西案之南東面均北上太常寺典儀一人
立殿東門外西面階上東西糾儀御史二人禮部
祠祭司官二人立於王公拜位之前引王公行禮
鴻臚寺官二人分立於糾儀官之次均東西面司
樂協律郎樂工序立樂懸之次歌工立樂工之次
樂舞生文武八佾分行序立東列歌工之左西列
歌工之右北面起居注官四人立西階下東面北
上糾儀御史四人禮部祠祭司官二人鴻臚寺官

二人分立於百官行禮位前均東西面掌燎官率
燎人立燎爐南承祭

後殿官拜位設於殿外階上太常寺司祝一人司香四
人覺羅官司帛四人司爵八人糾儀御史四人以
次序立於殿內均東西面太常寺典儀一人立於
殿門外之東掌燎官立位同前

右辨位

其日五鼓鑾儀衛陳

法駕鹵簿

詳見於北郊祭儀

於

午門外陳金輦於

太和門外陪祀王以下公以上按翼集廟街門外候駕至隨行承祭

後殿官分獻官均先蒞於廟南門外陪祀百官序立於庭左右祇候司祝二人詣

神庫祝案前跪三叩興恭奉祝版先

後殿次

前殿奉安於祝案跪叩如初日出前四刻公一人詣

後殿香几前上香退出殿右門外就階上正中行三跪

九叩禮覺羅官分詣

後殿寢室前跪三叩興恭請四室

神位奉安於殿內

寶座跪三叩興退王一人詣

中殿上香行禮如

後殿之儀宗室官分詣

中殿寢室前跪三叩興恭請五室

神位以次出殿中門太常寺官十人前引由

前殿北門入循殿左轉至殿中依序奉安於

寶座跪三叩興退均就執事位

右請神位

太常寺御赴

乾清門奏時

皇帝御祭服垂禮輿出宮至

太和門外降輿乘金輦鑾儀衛奉輦納陞內大臣侍衛前引後扈如常儀執爐燈官左右列行

午門嚴鼓導迎樂陳而不作不陪祀王公以下文武各官咸朝服跪送太常寺贊禮郎豫引

後殿承祭官由右戟門入至

後殿內垣門外東面立

駕入

太廟街門左門至神路右降輦納陞扶輦如前儀右贊引

左對引太常寺卿二人恭導

皇帝至

太廟南門入左門詣戟門幄次少竢太常寺卿告奉安

神位畢奏請行禮

皇帝出次鑾儀衛官跪奉盥奉巾如儀盥畢入戟門左
門司拜褥官豫布拜褥於殿門內正中贊引對引
官恭導

皇帝陞東階進

前殿左門就拜位前北向立執爐燈官止東階下夾階左右立侍衛退至東西陞隅僉立前引內大臣止殿外檐下東西侍立後扈大臣隨侍贊禮郎二人引承祭

後殿官由內垣右門入升自西階至中階拜位前立贊禮郎東西各二人引分獻官鴻臚寺官引陪祀王公百官均就拜位序立典儀贊樂舞生登歌執事官各供迺職武舞執干戚進贊引奏就位

皇帝就位立

後殿典儀贊執事官各供迺職贊禮郎贊就位承祭官

就位立

右就次盥洗就位

典儀贊迎

神左右司香奉香盤以次進至各案前恭候司樂贊舉迎

神樂奏貽平之章

樂辭俱詳
見樂考

協律郎舉麾工歌祝樂作贊

引奏詣香案前暨對引官恭導

皇帝詣

太祖高皇帝香案前對引官至祝案前止立司香案贊引

奏跪

皇帝跪奏上香司香進香

皇帝上炷香三上辦香興以次詣

太宗文皇帝

世祖章皇帝

聖祖仁皇帝

世宗憲皇帝香案前上香儀同贊引奏復位暨對引官恭

導

皇帝復位立贊引奏跪拜興

皇帝行三跪九拜禮王公百官俱隨行禮協律郎偃麾

工戛敔樂止

凡樂以舉麾鼓柷作以偃麾戛敔止後同

初迎

神時

後殿典儀贊同贊禮郎贊詣香案前贊跪贊上香引承

祭官詣

肇祖原皇帝

興祖直皇帝

景祖翼皇帝

顯祖宣皇帝香案前以次跪上香畢復位行三跪九叩禮

如儀

右迎神

典儀贊奠帛爵行初獻禮司樂贊舉初獻樂奏敕

平之章樂作司樂舉節舞千戚之舞

凡舞以節領之導引進退

後同有司揭尊簋勺鬯酒實爵左右司帛司爵以次進至各

神位前司帛跪獻篚奠於案三叩興司爵立獻爵奠於塾中各退樂暫止司祝詣祝案前跪三叩興奉祝版跪案左贊引奏跪

皇帝跪羣臣皆跪贊讀祝司祝讀祝辭曰惟某年月日孝孫嗣皇帝御名敢昭告於

太祖承天廣運聖德神功肇紀立極仁孝睿武端毅欽安

弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道顯
功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁
純孝章皇帝

孝惠仁憲端懿慈淑恭安純德順天翊聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德

大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣忠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠
憲皇帝

孝敬恭和懿順昭惠佐天翊聖憲皇后

孝聖慈宣康惠敦和敬天光聖憲皇后曰時屆孟

春夏
秋冬謹

以牲帛醴齋粢盛庶品用展追思伏惟尚

饗讀畢興奉祝版跪安

神位前帛篚內三叩興退樂作贊引奏拜興

皇帝率羣臣行三拜禮興樂止武功之舞退文舞執羽

篇進初奠帛爵時

後殿典儀贊奠帛爵行初獻禮有司揭尊窳勺浥酒實爵左右司帛司爵以次進至各

神位前殿帛獻爵儀同

前殿司祝詣祝案前跪三叩興奉祝版跪案左贊禮郎贊跪承祭官跪贊讀祝司祝讀祝辭曰惟某年月日

孝孫嗣皇帝御名謹遣某官某敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰時屈孟

春夏
秋冬

謹以牲帛醴齋粢盛庶品用展追

思伏惟尚

饗讀畢興奉祝版跪安

神位前匱內三叩興退贊禮郎贊叩興承祭官行三叩禮

興

前殿兩廡贊禮郎引分獻官詣兩廡配饗位前上香執
事生揭尊簾勺浥酒實爵奉匱奉爵各分獻退

右初獻

典儀贊行亞獻禮司樂贊舉亞獻樂奏數平之章

樂作舞羽籥之舞司爵詣各

神位前獻爵於左儀如初獻

後殿典儀同時贊行亞獻禮司爵獻爵各

神位前如

前殿之儀兩廡隨分獻畢樂止

右亞獻

典儀贊行終獻禮司樂贊舉終獻樂奏紹平之章

樂作

樂同
亞獻

司爵詣各

神位前獻爵於右儀如亞獻

後殿典儀同時贊行終獻禮司爵獻爵各

神位前如

前殿之儀兩廡隨分獻畢樂止文德之舞退

右三獻

既終獻太常寺贊禮郎一人詣拜位前西向立贊

賜福昨光祿寺卿二人奉福昨詣

神位前拱舉退祇立於

皇帝拜位之右侍衛二人進立於左贊引奏跪

皇帝跪左右官皆跪奏飲福酒右官進福酒

皇帝受爵拱舉授左官奏授胙右官進胙

皇帝受胙拱舉授左官奏拜興

皇帝三拜興又奏跪拜興

皇帝率羣臣行三跪九拜禮興典儀贊徹饌司樂贊舉

徹饌樂奏光平之章樂作徹畢樂止有司徹

後殿饌如儀

右受胙徹饌

皇帝既受福胙太常寺贊禮郎詣

神位前跪奏禮畢請

還寢室三叩興退司樂贊舉

還宮樂奏乂平之章樂作贊引奏跪拜興

皇帝率羣臣行三跪九拜禮興樂暫止典儀贊奉祝帛

送燎司祝司帛詣

神位前咸跪三叩司祝奉祝司帛奉篚興司香詣香案前

跪奉香興以次送送燎所

皇帝轉立拜位旁西向司拜褥官徹拜褥王公百官退

避側立東西面俟祝帛過

仍布
拜褥

皇帝復位立

後殿贊禮郎贊跪叩興承祭官行三跪九叩禮興典儀

贊奉祝帛送燎司祝奉祝司帛奉篚司香奉香恭

送燎所如

前殿之儀樂舞生奉兩廡香帛焚燎樂作贊引奏禮成

暨對引官恭導

皇上自殿左門降東階由東戟門出贊禮郎引承祭

後殿官退王公二人率宗室覺羅官恭奉

後殿

前殿

神位還寢室上香行禮與迎

神同

右禮成神位還御

時饗禮成

皇帝至

太廟南門外神路右乘禮興導迎樂作奏祐平之章

午門鳴鐘不陪祀王公百官咸朝服跪迎王公隨

駕入至內金水橋恭候

皇帝還宮皆退太常寺官徹

乾清門齋戒銅牌送寺

右乘輿回宮

聖節恭請

太廟後殿

四祖神牌至

奉先殿行禮之處停止即於

太廟後殿照

奉先殿典禮供帛酒籩豆讀祝文遣官致祭嗣後每歲元

旦

聖節

奉先殿行禮時

太廟後殿即遣官致祭茲謹錄祝文於左

元日

後殿祝文維年月日

孝孫嗣皇帝御名謹遣某官某敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲逢元旦歲序方新歲事更始謹以香帛醴齊

粢盛庶品特修祀禮用申追慕之情伏惟尚

饗

皇太后萬壽聖節

後殿祝文維年月日

孝孫嗣皇帝御名謹遣某官某敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲逢

皇太后聖節仰荷

恩佑追慕良深謹以香帛醴醑粢盛庶品特修祀禮用申

報忱伏惟尚

饗

皇帝萬壽聖節

後殿祝文維年月日

孝孫嗣皇帝御名謹遣某官某敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲臣誕辰深承

啟佑莫罄報私謹以香帛醴齋粢盛庶品特修祀禮用展
微忱伏惟尚

饗

皇朝文獻通考卷一百十三